

**C' N' ÈST NÉN PO DÎRE,**  
 mins à tanawète on s'  
 dimande kwè. Insi, i s' trove  
 èl Bulgarèye ène sicole k' on  
 î va pou rén èt k' lès scolîs  
 (ène cinkintinne) ont minme  
 chake tos lès mwès ène  
 dringuèle di 90 Uros po z-î  
 aprinde... li francwès. N' èst-  
 ce nèn bén ça ? Bén oyi,  
 ènn'don. Pokwè k' on vos è  
 cauze vèci ? Tot simplumint  
 pace ki, po fé ça, l' sicole èst  
 caurlèye pau Kèbèk, li  
 France èt l' **Walonîye-  
 Brussèle Comunalte** ki, po  
 s' paurt î va di 687.000 d''  
 nos bias Uros l'an.  
 Amon nos ôtes, po aprinde li  
 walon à nos èfants on nos  
 bistoke di bounès paroles...

**A ÈTINDE C'K'ON NOS  
 RAMADJE,**

i parètréve ki l' Flande èst  
 ritche, ardante, lès djins i  
 sont dès pus malins, bén  
 èdukés, modèrnes èt  
 crèyateus avou lès politikîs  
 lès pus capâbes po mwinner  
 l' Bèldjike au mia. Maugré  
 totès cès kwalités là, l' **Iviêr**  
 shoufèle sès racissès idêyes,  
 l' nwârt blok gonfèle co d' pus  
 k' on s' î poléve atinde.

**ON VOS È NN' AVÈVE  
 DÈDJÀ DJÔZÉ**



dins lès prumîres paudjes di  
 Rabulèts (cink ans d' aedje !)  
 èt on balzine co à mète  
 Pinotchèt divant sès djûdjès.  
 I n' èst si malâde k' on l'

dijève, à c'ki parèt. On wadje  
 ki va Bén fini pa moru di s'  
 bèle mwârt, è s' lét ?

**Lîdje,**

l' 12 di djun 2004, grand  
 raploû d' l' UCW (l' Culturêle  
 Walone Union). Dins l' orde  
 dès résolutions, vocichal - è  
 racoûti-cki, a totes  
 citwèyinnès fwaces sitî  
 dimandé:

1. ki lès dècrèts di 1983, 1990  
 èt 1998 suchenut mètu à l'  
 uzaedje. L' UCW èst prèsse  
 à s' aspaler po apontiyî lès  
 maisses ki va falu.

2. aus soces di tàyâtes d' s'  
 arindjî po k' leûs djennes  
 akteus cauzenuche todi  
 comufaut, èt sipèpiyeuse-  
 mint, lès linwaedjes ki sont d'  
 a nos èt d' s' ègadî à fé  
 boudjî tos lès djins d' povwêr  
 (comune, province...) po Bén  
 aspouyî, (shûvant l' dècrèt d'  
 1983) tot cki faut po l'  
 apurdissaedje èt l' uzance di  
 nos rëdjionaus lingaedjes  
 dins leû, nos, vichnauves.

3. d' aspouye po fé dèl  
 rèclame, foû d' nos frontîres,  
 à nos crèyateûs èt k' l'  
 Uropèyinne Union uxhe  
 sogne di l' avni d' nos  
 linwaedjes.

4. au peûpe walon di s' mia  
 rinde conte di s' prope cultûre  
 èt d' bouter po s' rëcrèstaedje  
 èt s' n' idintité.

5. aus politikes mwirneus d' fé  
 au mia uzaedje di nos  
 linwaedjes avou, kand i èt s' il  
 faut, l' aspouye d' soces  
 odobin d' djins Bén capâbes  
 di lzeu coridjî leûs tècses.

6. come dins l' *manifèsse di  
 1983*; ki vént d' ièsse rimètu  
 à djoû; ki l' Comunalte  
*françèse* rinde sès propès  
 compètinces à l' Walonîye èt  
 insi mète dins lès mwins do  
 peûpe walon èt d' sès  
 institucions lès compètinces

di cultûre, d' acsègnemint, di  
 rëcwêraedje èt d' « mèdias ».

7. à l' RTBF, come aus ôtes  
 télévisions, di tinu conte ki  
 nos linwaedjes sont dès  
 ostis dèl cultûre èt d' sayî  
 aprinde di cki s' fait amon lès  
 ôtes Uropèyins payis.

8. à l' Comunalte Walonîye  
 Brussèle d' shûre l' dècrèt di  
 1990 èt d' mia caurler lès  
 èditeus di nos linwaedjes ki  
 faut èto Bén shûr mète dins  
 lès sicoles èt lès mèdias.

9. l' Govièrnimint signe on còp  
 po tot l' Uropèyine charte po  
 l' disfinse dès mansîs  
 linwaedjes.

RABULÈTS a stî à Lîdje  
 come Mossieu Hapart, ki,  
 arivé avant l' èdaume, a bèvu  
 on cafeû èt pèter foû po n'  
 pus rivnu. On a polu î orer,  
 xhouûter, branmint è l' *françès*.  
 On bon sincieû, linwisse-  
 spècialisse nos a èwaré,  
 sibiré, à long èt laûdje  
 cauzer d' nos linwaedjes è  
*françès* paski, d' après li, « **i  
 n' èst nèn possibe di tot  
 Bén dîre è walon** » !

On a présinté èt discuté lès  
 résolutions è l' *françès* !

On a rèclamé, è *françès*, do  
 walon à l' télévusion ! On  
 rësponsâbe di scole po l'  
 walon è nn' a djôzé è l'  
*françès*. Dès fwârts bons  
 scrîjheut d' walon n' ont  
 causé k' è *françès*. *On pout  
 sipèpiyî sès ratournûres èt n'  
 nèn polu sotnu ène divize ! ?*

**Ène, deus, arondes,**  
 Mamzèle Jany Pakèt a, Bén,  
 pârlé, dèl sitrèt wèsse dèl  
 plaèce di *Walon-nous* à l'  
 Retebefè, Mossieu Boland,  
 Govièrneû dèl Province di  
 Lîdje a fait l' gros mitan –  
 sins papî ! - di si spitch è  
 walon.

Dêrinne info, l' deuzyinme  
 sicrètère d' l' UCW a divnu  
 djènèrâl sicrètère èt l' sicritère  
 djènèrâl a, li, monté Prèzidint.

I n' vos faut nèn vos èwarer, on comèle èt maxhe todi lès moudêyes di sicrijhaedje